


〔清〕张登撰

傷寒舌鑑

1602



自序

嘗讀仲景書止言舌白胎滑並無黃黑刺裂至金鏡錄始集三十六圖逮後觀舌心法廣至于三十有七何後世誕變之多若此寧知傷寒自表傳裏舌胎必由是白滑而變他色不似伏邪瘧疫等熱毒自內連外之一病便見黃黑諸胎也觀仲景論中一見舌白胎滑即言難治安有失治而致變者乎所以仲景止言白胎已見一斑不煩瑣屑後人無先聖治未病之勢不得不反覆辨論以啟蒙昧蓋邪氣入裏其虛實寒熱之機必現于舌非若脈法之陰而不顯也况陰盛格陽與邪熱鬱伏多有假證假脈唯驗舌上胎色之滑燥厚薄昭若冰鑑無所遁形由是取觀舌心法改其錯誤削其繁蕪汰其無預于傷寒者而奉入家大人治案所紀及己所親歷共得一百二十圖命曰傷寒舌鑑授之故刪以公同志臨證之一助云

康熙戊申如月誕先張登書于雋永堂

傷寒舌鑑目錄

白胎舌 二十九圖

黃胎舌 一十七圖

黑胎舌 一十四圖

灰色舌 一十一圖

紅色舌 二十六圖

紫色舌 一十二圖

微醬色胎舌 三圖

藍色胎紋舌 二圖

妊娠傷寒舌 六圖

白胎舌總論

傷寒邪在皮毛初則舌有白沫次則白涎白滑再次白屑白呃有舌中舌尖舌根之不同是寒邪入經之微甚也舌乃心之苗心屬南方火當赤色今反見白色者是火不能制金也初則寒鬱皮膚毛竅不得疏通熱氣不得外泄故惡寒發熱在太陽經財頭痛身熱項背強腰脊疼等傳至陽明經則有白屑滿舌雖症有煩燥如脉浮緊者猶當汗之在少陽經者則曰胎白滑用小柴胡湯和之胃虛者理中湯溫之如白色少變黃者大柴胡大小承氣分輕重下之白舌亦有死症不可忽視也

微白滑胎舌

薄白滑胎舌




寒邪初入太陽頭疼身熱惡寒舌色微白有津者麻散羌活湯之類發散之



此太陽裏證舌也二三日未嘗汗故邪入丹田將深急宜汗之或太陽與少陽合得有此舌者柴胡桂枝湯主之

長洲張登謨先常纂同邑邵之鵬三山校

厚白滑胎舌



病三四日其邪只在太陽故胎純白而厚却不乾燥其逆煩疼發熱脉浮而喘解衣自愈

白胎黃心舌



此太陽經初傳陽明府病舌也若微黃而潤宜再汗待胎燥而裏結則下之苦煩躁嘔吐大柴胡湯加減亦有下淡黃水沫無稀真者大承氣下之

乾厚白胎舌




病四五日未經發汗邪熱漸深少有微渴過飲生冷停積胸中溼熱胃冷故令發熱煩燥四肢逆冷而胎白乾厚滿口白屑宜四逆散加乾薑

白胎黃邊舌



舌中見白胎外有微黃者必作泄宜用解毒湯惡寒者五苓散

乾白胎黑心舌



此陽明府兼太陽舌。其胎邊白中心乾黑者。因汗不徹傳至陽明所致。必微汗出不惡寒。脈沉者可下之。如二三日未曾汗。有此舌必死。

白胎滿黑刺乾舌



白胎中生滿乾黑芒刺。乃少陽之裏證也。其證不惡寒反惡熱者。大柴胡加芒硝急下之。然亦危證也。

白滑胎尖痰刺舌




此陽明府兼少陽舌也。三四日自利。脈長者。生。弦數者。死。如有宿食。用大承氣下之。十可全五。

白滑胎黑心舌



白胎中黑。為表邪入裏之候。大熱譫語。承氣等下之。偏食復而發熱。或利不止者。難治。

半邊白滑舌



白胎見於一邊無論左右皆屬半表半裏並宜小柴胡湯左加葛根右加茯苓有款嗽引腦下痛而見此舌小青龍湯夏月多汗自利人參白虎湯

白胎裏斑舌



白胎中有黑小斑點亂生者乃水來尅火如無惡候以涼膈散承兼湯下之十中可救一二

藏結白滑舌



或左或右半邊白胎半邊或黑或老黃者寒邪結在藏也黃連湯加附子結在咽者不能語言宜生脉散合四逆湯可救十中一二

白胎燥裂舌



傷寒明中有寒丹田有熱所以舌上白胎因過汗傷營舌上無津所以燥裂內無實熱故不黃黑宜小柴胡加芒硝微剝之

白胎黑根舌




舌胎白而根黑。火被水尅之象。雖下亦難見功也。

白尖黃根舌




邪雖入裏而尖白末黃。不可用承氣。宜大柴胡湯加減。下後無他證。安卧神清。可坐。倘再有變證多凶。

白胎雙黃舌




此陽明裏證舌也。黃乃土之色。因邪熱上攻。致令舌有雙黃。如脈長惡熱。轉失氣煩躁者。大柴胡調胃承氣下之。

白胎雙黑舌




白胎中見黑色兩條。乃太陽少陽之邪入於胃。因土氣衰絕。故手足厥冷。胸中結痛也。理中瀉心等湯。選用。如邪結在舌根咽也。而不可言者。死證也。

白胎雙灰色舌




此夾冷食舌也七八日後見此舌而有津者可治理中四逆選用無津者不治如乾厚見裏證則下之得湯火見灰色去者安

白胎尖紅舌



滿舌白滑而尖却鮮紅者乃熱邪內盛而復感客寒入少陽經也小柴胡湯加減

白尖中紅黑根舌



舌尖白而根灰黑少陽邪熱傳府熱極而傷冷飲也如水停津液因結而渴者五苓散自汗而渴者白虎湯下利而渴者解毒湯如黑根多白尖少中不甚紅者難治

白胎中紅舌




此太陽初傳經之舌也無汗者發汗有汗者解肌亦有少陽經者小柴胡湯加減

白胎變黃舌



少陽證罷。初見陽明裏證。故胎變黃色。兼失氣者。大柴胡湯下之。

白胎尖灰根黃舌




此太陽溼熱併於陽明也。如根黃色。潤目黃小。便黃者。茵陳蒿湯加減。

白尖紅根舌



舌尖胎白。邪在半表半裏也。其證寒熱耳聾。口苦。脇痛。脈弦。小柴胡湯和解之。

白胎尖根俱黑舌



舌根尖俱黑。而中白。乃金水太過。火土氣絕於內。華無凶。證亦必死也。

舌色

舌

熟白舌

純熟白

白胎老極如煮熟相
似者。心氣絕而肺色
乘於上也。始因食瓜
果冰水等物。陽氣不
得發越所致。為必死
候。用枳實理中。間有
生者。

白胎如積粉舌

胎如積粉

此舌乃瘟疫初犯募
原也。連原飲見三陽
表證。隨經加柴胡為
根羌活。見裏證加大
黃。

淡白透明舌


透明

年老胃弱。雖有星寒
不能變熱。或多服湯
藥。傷其胃氣。所以淡
白透明。似胎非胎也。
宜補中益氣加減治
之。

黃胎舌總論

黃胎者裏證也。傷寒初病無此舌。傳至少陽經亦無此舌。直至陽明府黃。胃中火盛。火乘土位。故有此胎。當分輕重瀉之。初則微黃。次則深黃。有滑甚則乾黃。焦黃也。其證有大熱大渴便秘。譫語痞結自利。或因失汗發黃。或畜血如狂。皆溼熱火甚。小便不利所致。若目白如金。身黃如橘。宜茵陳蒿湯。五苓散。梔子蘗皮湯等。如畜血在上。焦犀角地黃湯。中焦桃仁承氣湯。下焦代抵當湯。凡血證見血則愈。切不可與冷水飲之。必死。大抵舌黃證雖重。若脉長者。中土有氣也。下之則安。如脉弦下利。舌胎黃中有黑色者。皆危證也。

純黃微乾舌




舌見黃胎。胃熱之極。土色見於舌端也。急宜調胃承氣下之。遲則恐黃老變黑為惡候。

微黃胎舌



舌微黃而不甚燥者。表邪失汗而初傳裏也。用大柴胡湯。若身目俱黃者。茵陳蒿湯。


黃乾舌



乾黃

舌見乾黃裏熱已極
急下勿緩下候脈靜
身涼者生反大熱而
喘脈躁者死

黃胎黑斑舌



黃胎中亂生黑斑者
其證必大渴瀕語身
無斑者大承氣下之
如脈清譏語循衣摸
床身黃斑黑者俱不
治下出稀糞黑者死

黃胎黑滑舌



黑滑

舌黃而有黑滑者陽
明裏證具也雖不乾
燥亦當下之下後身
涼脈靜者生大熱脈
躁者死

黃胎中黑通尖舌



黃黑黃


黃胎從中至尖通黑
者乃火上燥而熱毒
最深也兩感傷寒必
死惡寒甚者亦死如
不惡寒口燥咽乾而
下利臭水者可用調
胃承氣湯下之十中
可救四五口乾由
燥形脫者不治

老黃隔瓣舌



舌黃乾澀而有隔瓣者。乃邪熱入胃。毒結已深。煩躁而渴者。大承氣湯。發黃者。茵陳蒿湯。少腹痛者。有瘀血也。抵當湯。結胸大陷胸湯。

黃胎灰根舌



舌根灰色而尖黃。雖此黑根少輕。如再過一二日。亦黑也。難治。無煩躁直視脈沉而有力者。大柴胡加減治之。

黃尖舌




舌尖胎黃。熱邪初傳胃府也。當用調胃承氣湯。如脈浮惡寒。表證未盡。大柴胡兩解之。

黃尖紅根舌




根紅而尖黃者。乃溼熱乘火位也。瘟熱初病。多有此舌。涼膈解毒等藥。消息治之。

黃尖黑根舌




舌黑根多而黃尖少者。雖無惡證。惡脈。誠恐暴變一時。以胃氣渴絕故耳。

黃大脹滿舌



舌黃而脹大者。乃陽明胃經溼熱也。證必身黃。便秘煩躁。茵陳蒿湯。如大便自利。而發黃者。五苓散。加茵陳。梔子。黃連等治之。

黃胎黑刺舌




舌胎老黃極而中有黑刺者。皆由失汗所致。邪毒內陷已深。急用調胃承氣下之。十中可保一二。

黃尖白根舌




舌根白尖黃。其色倒見。必是少陽經傳陽明。府病。若陽明證多者。大柴胡湯。少陽證多者。小柴胡湯。加瀝語煩躁者。調胃承氣湯。

黃根白尖舌




舌尖白根黃。乃表邪少而裏邪多也。天水散涼膈散合用。如陽明無汗。小便不利。心中懊懣者。必發黃茵陳蒿湯。

黃根白尖短縮舌



舌見根黃尖白而短硬。不燥不滑。但不能伸出。證多譫妄煩躁。此痰扶宿食。占據中宮也。大承氣加薑半主之。

黃根灰尖舌



舌乃火位。今見根黃尖灰。是土來侮火也。不吐不利。心煩而渴者。乃胃中有鬱熱也。調胃承氣加黃連。

黑胎舌總論

傷寒五七日。舌見黑胎。最為危候。表證皆無。此舌。如兩感一二日間見之。必死。若白胎上漸漸中心黑者。是傷寒邪熱傳裏之候。紅舌上漸漸黑者。乃瘟疫傳變壞證將至也。蓋舌色本赤。今見黑者。乃水來尅火。水極似火。火過炭黑之理。然有純黑。有黑裏有刺。有隔刺。有瓣底。紅瓣底黑者。大抵尖黑。齒黑。根黑。最重。如全黑者。絕神丹亦難救療也。